



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 49. Richardus Cantuariensis ordinatur.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

alius itineris hujus fructus obvenit, nam Sæcul. XII. A. C. 1174.
 negotium pacis, cujus amore a Pontifice missus fuerat, infectum reliquit. In
 reditu S. Petrus morbo tentatus, ac in
 Monasterio Bellavallensi Diocesi Vesun-
 tinenfis subsistere compulsus est, ibique
 in Festo Exaltationis S. Crucis, decima
 quarta Septembris, eodem anno mil-
 lesimo centesimo septuagesimo quarto,
 ad Cœlestia abiit, cui die post obitum
 tertia Eberhardus Archiepiscopus Ve-
 suntinenfis, pluribus Abbatibus assistenti-
 bus, iusta peregit. S. Petrus ad annum
 ætatis suæ septuagesimum tertium per-
 venerat, & Ecclesiæ Tarentasiensi annos
 triginta tres præfuerat. Ecclesia ejus
 memoriam octava Maji colit.

*vid. Pag.
ann. 1174.*

*n. 12.
Sup. Lib.
LXVIII.
§. 73.*

§. XLIX.

Richardus Cantuariensis ordinatur.

Inter hæc Richardus, electus Archi-
 episcopus Cantuariensis, & Renaldus,
 electus Episcopus Bathoniensis, Romam
 pervenerant, petentes, ut ipsorum cetero-
 rumque Episcoporum in Anglia electio
 confirmaretur. His quidem obstitabant
 potentissimi Adversarii, videlicet Le-
 gati Regis Franciæ, & Regis junioris
 Angliæ, duce quodam Bertario, Au-
 relianensi Doctore. Papa vero vehe-
 menter querebatur, quod ceteri Epi-
 scopi electi, inprimis Geofridus *Ridel*
 E e e 5 Epi-

*Roger. Ho-
ved. p. 538.
Gervas.
an. 1174.*

Sæcul. XII. Episcopus Elisiensis, non adveniens;
A.C. 1174. sed tandem, postquam multa hinc &
 inde fuissent objecta, Electionem Ri-
 chardi Archiepiscopi in Dominica *Quasi-*
modo, ultima die Martii, anno millesimo
 centesimo septuagesimo quarto, ratam
 habuit, & ipsum Dominica sequente
 ordinavit. Alia die eidem Pallium con-
 tulit, ac paulopost Primatum & Legati
 Apostolici in Anglia auctoritatem, qua
 in Regem patrem rebelles adhibitis cen-
 suris Ecclesiasticis coerceret.

§. L.

Regis Angliæ Pœnitentia.

Cervas. &
Roger.

At belli necdum erat finis, quod Scoti
 & Cambri, ferocissimi populi, &
 veteres Anglorum hostes inaudita sa-
 vitia gerebant. Quippe Sacerdotes ad
 aram Sacris operantes trucidabant, &
 dissecto prægnantium feminarum utero
 infantes mucronibus fixos in lucem pro-
 trahebant. Rex parens, a suis propo-
 modum omnibus proditus (nam exteri
 in corporis custodiam successerant, quos
 pingui stipendio sibi conciliabat) pre-
 mentibus undique angustiis, cum vir
 spes superesset, provincias in continentem
 servari posse, saltem Angliam sibi asserere
 statuit, quo mense Julio ineunte navi-
 gavit. In Angliam autem appulsus nihil
 antiquius habuit, quam Cantuariam ire
 veniam

Gest. post.